



MINISTARSTVO ZA LJUDSKA PRAVA I IZBJEGLICE BIH

SREDNJOROČNI PLAN RADA

2024. - 2026.GODINA

Dokument je pripremljen u skladu s Odlukom o postupku srednjoročnog planiranja, praćenja i izvještavanja u institucijama BiH ("Službeni glasnik BiH", broj 62/14) i Uputstvom o metodologiji u postupku srednjoročnog planiranja, praćenja i izvještavanja u institucijama BiH ("Službeni glasnik BiH", broj 44/15)

Sarajevo, jun 2023. godine

SADRŽAJ

Poglavlje 1: Strateški okvir.....	
1.2 Mandat institucije.....	
Poglavlje 2: Vizija i Misija.....	
2.1 Vizija.....	
2.2 Misija.....	
Poglavlje 3: Učesnici i partneri.....	
Poglavlje 4: Osnovna programska opredjeljenja.....	
4.1 Srednjoročni cilj.....	
4.2 Specifični ciljevi.....	
4.3 Programi i Projekti.....	
4.4 Obrazloženje.....	
Poglavlje 5: Resursi i kapaciteti potrebni za postizanje cilja.....	
5.1 Predviđeni izvori finansiranja.....	
5.2 Organizacioni kapaciteti.....	
Poglavlje 6: Okvir za praćenje provođenja plana i evaluacija rezultata.....	
6.1 Definisane ključne pokazatelje.....	
6.2 Metode za prikupljanje informacija o pokazateljima.....	
6.3 Osnovni zaključci predhodnog Izvještaja o provođenju plana rada.....	
Poglavlje 7: Prilozi.....	
Prilog 1: Akcioni plan Srednjoročnog plana rada Ministarstva za ljudska prava i izbjeglice BiH.....	
Prilog 2: Pregled zakona, drugih propisa i razvojno-investicijskih projekata/programa predviđenih Srednjoročnim planom rada Ministarstva za ljudska prava i izbjeglice BiH.....	

Poglavlje 1: Strateški okvir

U skladu sa Strateškim okvirom za Bosnu i Hercegovinu, u okviru strateškog cilja, mandat Ministarstva za ljudska prava i izbjeglice BiH se odnosi na **transparentan, efikasan i odgovoran javni sektor** koji ima prioritet poduzimanje koordiniranih politika koje će **ojačati vladavinu prava, sigurnost i osnovna prava** svih građana u Bosni i Hercegovini.

U okviru strateškog cilja - **Transparentan, efikasan i odgovoran javni sektor**, Ministarstvo za ljudska prava i izbjeglice BiH je prepoznalo svoj prioritet: **Ojačati vladavinu prava, sigurnost i osnovna prava** koji podrazumjeva principe ravnopravnosti i nediskriminacije kao sastavnih dijelova svih deklaracija o ljudskim pravima kao i srednjoročni cilj: Poboljšan sistem zaštite ljudskih prava i razvoj odnosa institucija BiH sa iseljeništvom.

1.2. Mandat institucije

Na osnovu Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17), Ministarstvo za ljudska prava i izbjeglice **nadležno** je za:

- praćenje i provođenje međunarodnih konvencija i drugih dokumenata iz oblasti ljudskih prava i osnovnih sloboda;
- promovisanje i zaštita ličnih i kolektivnih ljudskih prava i sloboda;
- koordinaciju i pripremu izvještaja nadležnim domaćim organima i institucijama i međunarodnim institucijama i organizacija o provođenju obaveza iz međunarodnih konvencija i međunarodnih dokumenata;
- kreiranje i provođenje aktivnosti na ispunjavanju obaveza BiH u pogledu prijema u evroatlantske integracije, a posebno u vezi sa primjenom Evropske konvencije o ljudskim pravima i osnovnim slobodama i njenim protokolima;
- uspostavljanje i funkcioniranje zastupnika/agenta Vijeća ministara BiH i Ureda zastupnika/agenta Vijeća ministara BiH pred Evropskim sudom za ljudska prava;
- uspostavljanje i funkcionisanje Agencije za ravnopravnost polova u BiH i staranje o ravnopravnosti polova;
- praćenje, izrada i distribuiranje informacija o standardima, ostvarenjima i aktivnostima u oblasti ljudskih prava;
- saradnja sa vjerskim zajednicama;
- saradnja sa nacionalnim manjinama i njihovim udruženjima;
- saradnja sa institucijama i organizacijama zaduženim za traženje nestalih lica u BiH;
- saradnja sa Crvenim krstom/križom BiH i Međunarodnim komitetom Crvenog krsta/križa i humanitarnim organizacijama;
- briga o pravima i pitanjima izbjeglica i lica pod supsidijarnom zaštitom u BiH nakon utvrđivanja njihovog statusa;
- prihvat i zbrinjavanje, na period do 30 dana bh.državljana koji se vraćaju u Bosnu i Hercegovinu po osnovu Sporazuma o readmisiji;
- provođenje Aneksa VII Općeg okvirnog sporazuma za mir u Bosni i Hercegovini, kao i praćenje i nadzor provođenja tog Aneksa;
- kreiranje i provođenje politike BiH u oblasti povratka izbjeglica i raseljenih lica u BiH, projekata rekonstrukcije, i obezbjeđenje drugih uslova za održiv povratak;
- koordiniranje, usmjeravanje i nadzor u okviru Komisije za izbjeglice i raseljena lica, aktivnosti entiteta i drugih institucija u BiH odgovornih za provođenje politike u ovoj oblasti;

- sve ostale aktivnosti propisane Zakonom, i/ili koje se odnose na provođenje Aneksa VI i VII Opšteg okvirnog sporazuma za mir u BiH;
- sve podatke koje Ministarstvo cijeni relevantnim u skladu sa svim važećim standardima o zaštiti podataka kao i korištenje podataka u svrhu zaštite individualnih ljudskih prava;
- saradnja sa nevladinim sektorom po pitanjima iz nadležnosti ministarstva;
- kreiranje politike Bosne i Hercegovine prema iseljeništvu;
- prikupljanje, sistematiziranje, publikovanje i distribuiranje svih podataka iz nadležnosti ministarstva;
- Ministarstvo je nadležno i za obavljanje poslova koji su u nadležnosti BiH i koji se odnose na utvrđivanje osnovnih načela koordiniranja aktivnosti, usklađivanja politika i planova organa vlasti BiH i međunarodne zajednice u oblasti: stambene politike, obnove i razvoja i projekta održivog povratka i njihovog evidentiranja.

Poglavlje 2: Vizija i misija

2.1 Vizija

Polazeći od zajedničke vizija naznačene u Strateškim okvirom za Bosnu i Hercegovinu, Ministarstvo za ljudska prava i izbjeglice BiH opredjeljeno je da doprinese prosperitetom, ekonomskom i institucionalnom razvoju, izgradnji socijalno pravedne države, jednakih mogućnosti za sve njene građane, sa razvijenom infrastrukturom, društvom baziranim na znanju, gdje se na efikasan način koriste prirodni i drugi resursi, čuva životna sredina i njeguje bogatstvo različitosti stvaranjem uslova za održivi povratak, djelotvornijom zaštitom osoba pod međunarodnom pravnom zaštitom, uključivanjem iseljništva u razvoj i razvijanjem održivog sistema zaštite ljudskih prava, ravnopravnosti spolova i prava manjina te ostvarivanja pravo na slobodu savjesti i vjere i poboljšanja sistema zaštite od diskriminacije svih građana.

2.2. Misija

Misija Ministarstva za ljudska prava i izbjeglice BiH je praćenje i provođenje međunarodnih konvencija iz oblasti zaštite ljudskih prava, zaštita ličnih i kolektivnih ljudskih prava, zaštita i unapređenje ravnopravnosti spolova, obezbjeđivanje uslova za rad agenata za zastupanje Vijeća ministara pred Evropskim sudom za ljudska prava, zatim kreiranje i provodjenje politike u oblasti povratka izbjeglica iz BiH, raseljenih osoba u BiH, provođenje Aneksa VII DMS, provođenje međunarodnopravne zaštite lica s priznatim statusom u BiH kao i provođenje sporazuma o readmisiji, kreiranje politike prema iseljeništvu, promocija zaštite ljudskih prava svih građana a posebno socijalno ugroženih kategorija, izbjeglih i raseljenih lica, nacionalnih manjina.

Poglavlje 3: Učesnici i partneri

Ministarstvo za ljudska prava i izbjeglice BiH kontinuirano saraduje sa institucijama BiH, entitetskim ministarstvima i drugim organima/tijelima BiH, kao i sa bilateralnim donatorima, međunarodnim finansijskim institucijama i međunarodnim organizacijama.

Poglavlje 4: Osnovna programska opredjeljenja

4.1. Srednjoročni cilj

Poboljšan sistem zaštite ljudskih prava i razvoj odnosa institucija Bosne i Hercegovine sa iseljeništvom

4.2. Specifični cilj

Ministarstvo za ljudska prava i izbjeglice Bosne i Hercegovine planira ostvarenje Srednjoročnog cilja kroz sljedeći Specifični cilj:

Promocija i zaštita ljudskih prava i sloboda svih građana, realizacija prava iz Aneksa VII DMS, međunarodno-pravna zaštita i readmisija, zaštita ravnopravnosti polova u BiH, zaštita prava iseljenika i razvoj odnosa BiH sa iseljeništvom.

4.3. Programi i Projekti

1.1.1. Zaštita, i promocija ljudskih prava, ravnopravnost spolova i saradnja sa iseljeništvom

- 1.1.1.1 Promocija i zaštita ljudskih prava, suzbjanje diskriminacije, priprema, praćenje zakona i politika u ovoj oblasti, saradnja sa vjerskim zajednicama, manjinama i organizacijama civilnog društva, izvještavanje o ljudskim pravima i slobodama prema međunarodnim institucijama i organizacijama.
- 1.1.1.2 Ostvarivanje ravnopravnosti polova i unapređenje položaja žena, implementacijom Zakona o ravnopravnosti polova u BiH i međunarodnih standarda
- 1.1.1.3 Razvoj politika prema iseljeništvu i jačanje saradnje sa iseljeništvom

1.1.2. Realizacija Aneksa VII DMS, međunarodno-pravna zaštita i readmisija

- 1.1.2.1 Ostvarivanja prava osoba pod međunarodnom zaštitom, raseljenih i readmisiranih osoba

4.4. Obrazloženje:

1.1.1 Zaštita i promocija ljudskih prava, ravnopravnost spolova i saradnja sa iseljeništvom

1.1.1.1 Promocija i zaštita ljudskih prava, suzbijanje diskriminacije, priprema, praćenje zakona i politika u ovoj oblasti, saradnja sa vjerskim zajednicama, manjinama i organizacijama civilnog društva, izvještavanje o ljudskim pravima i slobodama prema međunarodnim institucijama i organizacijama.

U okviru programskih i planskih aktivnosti jedna od važnijih aktivnosti vezana je za izradu i usklađivanje zakona i podzakonskih akata sa odredbama Zakona o zabrani diskriminacije, postupanje po preporukama međunarodnih tijela, pristupanju međunarodnim ugovorima, usklađivanje zakona i praksi sa međunarodnim i EU standardima, te ispunjavanje međunarodnih obaveza u pogledu izvještavanja međunarodnih tijela o provođenju međunarodnih dokumenata kojih je Bosna i Hercegovina potpisnica. Navedene aktivnosti obuhvataju i učestvovanje predstavnika BiH u međunarodnim i regionalnim aktivnostima na temu promocije i zaštite ljudskih prava, uključujući i teme u oblasti promocije, suzbijanja i zaštite od diskriminacije. U planskom periodu za 2024.-2026. godinu, uključene su i aktivnosti vezane za Srednjoročni program za suzbijanje diskriminacije u BiH koji obuhvata i program obuka za promociju i zaštitu ljudskih prava u BiH za period 2022. – 2026.godina, , izvještaj o pojavama diskriminacije u Bosni i Hercegovini u skladu sa Zakonom o zabrani diskriminacije koji uključuje i podatke o realizaciji

predloženih mjera za sprečavanje i suzbijanje diskriminacije, Izvještaj o radu koordinacijskih i savjetodavnih tijela iz oblasti ljudskih prava, Izvještaj o provođenju Akcionog plana za djecu, Program obilježavanja značajnih datuma iz oblasti ljudskih prava u BiH, sačinjavanje Izvještaja po međunarodnim dokumentima u oblasti ljudskih prava, Izvještaj o prezentaciji izvještaja BiH i zaključnim zapažanjima i preporuka međunarodnih tijela, organizovanje monitoring posjeta međunarodnih tijela BiH i sačinjavanje Izvještaja vlasti BiH po preporukama i komentarima međunarodnih tijela, učestvovanje u radu stručnih tijela na međunarodnom, evropskom i regionalnom nivou, Podrška radu mješovitih komisija za realizaciju osnovnih ugovora između BiH i crkava i vjerskih zajednica, podrška radu Vijeću za djecu BiH, Vijeću za osobe sa invaliditetom BiH, Odboru za Rome, saradnja sa Vijećem za nacionalne manjine BiH, saradnja sa Medjureligijskim vijećem BiH, Izrada Akcionog plana za uključivanje – inkluziju Roma 2021.-2025. i izrada godišnjih izvještaja o implementaciji, izrada izvještaja o realizaciji Okvirnog Akcionog plana BiH o obrazovnim potrebama Roma, Izvještaj o utrošku grant sredstava namijenjenih realizaciji Akcionog plana za Rome, Dodjela grantova za Društvo crvenog krsta/križa BiH, Međureligijsko vijeće BiH, Jevrejskoj zajednici u BiH za obilježavanje dana žrtava Holokausta, organizacijama za podršku osoba sa invaliditetom, udruženjima nacionalnih manjina i druge aktivnosti vezane za rad na predstavkama i žalbama građana.

1.1.1.2 Ostvarivanje ravnopravnosti polova i unapređenje položaja žena, implementacijom Zakona o ravnopravnosti polova u BiH i međunarodnih standarda

U periodu 2024 -2026. godine, Agencija za ravnopravnost polova BiH MLjPI BiH će nastaviti saradnju sa nadležnim institucijama, međunarodnim i nevladinim organizacijama u cilju uključivanja ravnopravnosti polova u zakone, programe, politike i strategije. Jedan od ciljeva Agencije, biće i nastavak usklađivanja zakona i podzakonskih akata sa Zakonom o ravnopravnosti polova BiH, kao i unapređenje primjene domaćih i međunarodnih standarda za ravnopravnost polova što doprinosi implementaciji ciljeva održivog razvoja SDG2030, tj. cilja 5. "Rodna ravnopravnost". S obzirom da je Gender akcioni plan BiH 2023-2027. sa Operativnim planom za institucije BiH u procesu usvajanja, prioritet u ovom periodu biće provođenje navedenog dokumenta. Jedan od prioriteta Agencije biće realizacija preporuka Komiteta zemalja ugovornih strana Istanbulske konvencije, koje je Bosna i Hercegovina dobila na osnovu GREVIO evaluacije. Pored toga, Agencija će raditi na implementaciji Preporuka Komiteta za praćenje UN Konvencije za eliminaciju svih oblika diskriminacije žena (CEDAW), te izradu novog periodičnog CEDAW izvještaja. Kao i prethodnih godina, Agencija će nastaviti učestvovati u procesu programiranja u okviru IPA, kao i u sveukupnom procesu evropskih integracija, te saradivati sa Delegacijom evropske unije u BiH s ciljem ugradnje principa ravnopravnosti polova u programe i projekte podržane iz evropskih fondova. Agencija će nastaviti realizaciju aktivnosti u okviru međunarodne kampanje Generacija za ravnopravnost, zatim jačanje mehanizma za efikasnu prevenciju seksualnog uznemiravanja i uznemiravanja na osnovu pola u institucijama BiH, te nastavak osiguranja podrške za osam nevladinih organizacija koje vode sigurne kuće za žene žrtve nasilja i otvaranje kriznih centara za žrtve silovanja. Važan segment rada, i dalje će biti jačanje saradnje i partnerstva na regionalnom i međunarodnom nivou, organizacijama civilnog društva, akademskom zajednicom i medijima, što uključuje razmjenu informacija, iskustava i dobrih praksi, zajedničke promotivne i edukativne aktivnosti za podizanje svijesti stručne i šire javnosti.

1.1.1.3 Razvoj politika prema iseljeništvu i jačanje saradnje sa iseljeništvom

U skladu sa strateškim ciljevima Politike o saradnji sa iseljeništvom Ministarstvo provodi aktivnosti na sistemskom i kvalitetnom unapređenju saradnje sa iseljenicima, za što je potrebno uključivanje institucija svih nivoa vlasti u BiH, u okviru njihove nadležnosti. Tačkom 1.2. Politike o saradnji sa iseljeništvom predviđeno je razvijanje mehanizma međuinstitucionalne koordinacije za saradnju sa iseljeništvom. Naime, u tu svrhu je pokrenuta uspostava međuinstitucionalnog tijela sastavljeno od predstavnika nadležnih institucija na nivou BiH, vlada entiteta i Brčko Distrikta BiH.

Radi doprinosa razvoju BiH i uključivanja iseljeništvu u društveno-ekonomski život, neophodno je razviti pravni okvir što podrazumijeva usvajanje strategije i pripremu zakonskog okvira kojim će se sistemski

urediti pitanje odnosa i saradnje sa iseljeništvom, utvrditi pravila i način finansiranja prijenosu znanja stručnjaka iz iseljeništva u institucije i javne ustanove u BiH, osigurati da predstavnici institucija na različitim nivoima vlasti efikasno saraduju sa iseljeništvom, uspostaviti međuinstitucionalnu koordinaciju unutar BiH, jačati kapaciteta institucija u BiH za saradnju sa iseljeništvom, kao i pratiti emigracijske tokove i izvještavati o tome.

Pužanje podrške iseljeništvu i unapređenje saradnje BiH sa iseljeništvom će se realizovati kroz niz aktivnosti na jačanju kapaciteta organizacija u iseljeništvu, očuvanju maternjih jezika, kulture i identiteta, povezivanju privrednika iz iseljeništva s privrednim subjektima u BiH, unapređenju informiranja, razmjene informacija i međusobne komunikacije i podržavanju aktivnosti civilnog sektora u iseljeništvu i BiH koji doprinose jačanju veza BiH i iseljeništva. U cilju unaprjeđenja saradnje sa iseljeništvom nastavit će se i unaprijediti saradnja i sa NVO u BiH koje djeluju u oblasti saradnje sa iseljeništvom, kao i sa svim relevantnim međunarodnim institucijama i organizacijama.

Stvaranje uslova za veći doprinos iseljeništva razvoju BiH podrazumijeva aktivnosti na privlačenju investicionog, finansijskog, ljudskog i drugog kapitala, te njihovog promoviranja u svrhu razvoja BiH, kao i mobiliziranje ljudskih potencijala, znanja i vještina iseljeništva, ali i njihovih investicionih i finansijskih resursa.

U narednom periodu fokus rada Sektora za iseljeništvo je također intenziviranje saradnje sa mladima u iseljeništvu, njihovo međusobno umrežavanje, prijenos znanja, jačanje kapaciteta jedinica lokalne samouprave za saradnju sa iseljeništvom u cilju pružanja kvalitetnijih usluga dodjelom grant sredstava, jačanje kapaciteta drugih relevantnih institucija u BiH na različitim nivoima vlasti i unaprjeđenje informisanja iseljeništva putem portala i društvenih mreža, kao i saradnja sa međunarodnim organizacijama i rad na različitim projektima koji imaju za cilj uspostavljanje i održavanje veza sa iseljeništvom.

1.1.2. Realizacija prava iz Aneksa VII DMS, pristup pravima lica pod međunarodnom zaštitom u BiH i readmisija

1.1.2.1 Ostvarivanja prava osoba pod međunarodnom zaštitom, raseljenih i readmisiranih osoba

U cilju realizacije prava iz Aneksa VII DMS-a, Ministarstvo za ljudska prava i izbjeglice BiH će nastaviti koordinirati niz aktivnosti u vezi sa obnovom i izgradnjom stambenih jedinica za potrebe izbjeglica iz BiH, raseljenih osoba i povratnika, elektrifikacije, obnove komunalne i socijalne infrastrukture na prostorima gdje žive raseljene osobe i povratnici, te aktivnosti na unaprijeđenju monitoringa realizacije svih projekata u funkciji povratka.

Budući da raseljene osobe i povratnici pripadaju jednoj od socijalno najugroženijih kategorija stanovništva, u cilju smanjenja siromaštva i socijalne isključenosti ove populacije, u narednom periodu Ministarstvo planira uspostavljanje i razvijanje sistema podrške u održivom povratku i re/integraciji. Ministarstvo će raspisati javne pozive za obnovu infrastrukturnih objekata i obezbijediti adekvatnu tehničku i administrativnu podršku Komisiji za izbjeglice i raseljene osobe u realizaciji odluke o izboru prioriternih projekata. U narednom periodu (2024-2026), kroz implementaciju više projekata planirana je obnova/izgradnja oko 400 stambenih jedinica, realizacija 300 infrastrukturnih objekata i ostvarivanje prava za 1.500 osoba pod međunarodnom pravnom zaštitom i readmisiranih osoba.

Evidentne su još uvijek velike potrebe u obnovi stambenih jedinica, komunalne i socijalne infrastrukture i elektrifikacije odnosno u održivom povratku. U toku je finalizacija projekata koji se finansiraju iz donatorskih i kreditnih sredstava. S tim u vezi, Ministarstvo će u narednom periodu voditi intenzivne aktivnosti na obezbijedenju dodatnih sredstava za navedene namjene u budžetu institucija BiH.

Posljednja registracija raseljenih osoba rađena je 2005. godine. S obzirom na to da je od tada prošlo skoro 20 godina i da je došlo do značajnih promjena u broju i statusu raseljenih osoba, potrebno je u saradnji sa nadležnim entitetskim organima, uključujući i Brčko distrikt BiH provesti reviziju statusa raseljenih osoba.

U tom pravcu, Ministarstvo je već pokrenulo aktivnosti na prikupljanju podataka i mapiranju potreba povratnika i raseljenih osoba. Završetkom ovih aktivnosti, Ministarstvo će imati podatke iz svih opština u BiH i dobiti jasne pokazatelje o stvarnom stanju i potrebama ovih ranjivih grupa u lokalnim zajednicama u BiH po svim oblastima i pravima koja su utvrđena Revidiranom strategijom za provedbu Aneksa VII DMS.

U narednim godinama putem regionalnih centara Ministarstva predviđen je nastavak praćenja cjelokupnog procesa realizacije projekata u skladu sa procedurama definisanim Priručnikom za monitoring, a rezultat praćenja će pomoći u donošenju adekvatnih izmjena i dopuna postojećih procedura, te donošenju novih, odgovarajućih akata kao korak naprijed ka još efikasnijem i sveobuhvatnijem monitoringu.

Kao i svih predhodnih godina, Ministarstvo će i u narednom periodu nastojati obezbijediti potrebna sredstva za finansiranje prava iz Aneksa VII DMS u svom budžetu. U skladu sa Zakonom o budžetu institucija Bosne i Hercegovine i međunarodnih obaveza Bosne i Hercegovine, Ministarstvo za ljudska prava i izbjeglice BiH sa nadležnim entitetskim ministarstvima i Brčko distriktom BiH svake godine potpisuje Sporazum o udruživanju sredstava za finansiranje prava iz Aneksa VII DMS. Sredstva osigurana u budžetu Ministarstva se Odlukom o prenosu sredstava preraspoređuju na račun Fonda za povratak BiH, a o raspodjeli sredstava po iznosima i namjenama odlučuje Komisija za izbjeglice i raseljene osobe BiH

U skladu sa Zakonom o ministarstvima i drugim tijelima uprave u BiH i Zakonom o azilu, Ministarstvo za ljudska prava i izbjeglice BiH osigurava pristup pravima izbjeglica i stranaca pod supsidijarnom zaštitom u Bosni i Hercegovini, nakon utvrđivanja njihovog statusa. Ministarstvo za ljudska prava i izbjeglice BiH je donijelo podzakonske akte kojima se definiše način ostvarivanja prava na zdravstveno osiguranje, socijalnu pomoć, rad, obrazovanje i smještaj izbjeglica i stranaca pod supsidijarnom zaštitom u Bosni i Hercegovini. Sredstva za ostvarivanje prava izbjeglica i osoba pod supsidijarnom zaštitom u Bosni i Hercegovini i članova njihovih porodica, osiguravaju se u budžetu Ministarstva i kroz Podprojekat koji Ministarstvo za svaku budžetsku godinu potpisuje sa UNHCR-om.

Ministarstvo za ljudska prava i izbjeglice BiH je u skladu sa nadležnostima propisanim Zakonom o ministarstvima i drugim organima uprave Bosne i Hercegovine u dijelu prihvata državljana BiH koji se vraćaju u BiH po osnovu sporazuma readmisiji kao i implementacije Strategije za prihvata i integraciju državljana BiH koji se vraćaju u BiH po osnovu sporazuma o readmisiji i Akcionog plana uključila 115 lokalnih zajednica u BiH. U ovim lokalnim zajednicama su uspostavljeni lokalni readmisioni timovi i/ili povjerenici za readmisiju čija je uloga pomoć prilikom lokalne integracije readmisiranih osoba. U 11 lokalnih zajednica je potpuno rekonstruisano i opremljeno osnovnim namještajem 45 stambenih jedinica, koje služe za privremeni smještaj državljana BiH koji se vraćeni u BiH po osnovu sporazuma o readmisiji (Tuzla: 4 st. jedinice; Bos. Petrovac: 8. st. jedinica; Goražde: 5 st. jedinica; Mostar 7 st. jedinica; Zenica 3 st. jedinice; Kostajnica: 2 st. jedinice; Kotor Varoš: 4 st. jedinice; Foča: 6 st. jedinica; Prijedor 2 st. jedinice; Bijeljina 2 st. jedinice i Brčko Distrikt BiH 2 st. jedinice). Trenutno smo u realizaciji sanacije još 21 stambenu jedinicu u slijedećim lokalnim zajednicama: Zenica 3, Trnovo RS 2, Banjaluka 2, Maglaj 1, Kalesija 2, Odžak 2, Trebinje 2, Prijedor 2, Sanski Most 2, Teslić 1 i Devent 2.

U cilju osiguranja adekvatnog i pravovremenog prihvata malodobne djece Ministarstvo za ljudska prava i izbjeglice BiH potpisalo je „Protokol o saradnji u postupku prihvata, proprata i privremenog zbrinjavanja djece bez pratnje koja se vraćaju u BiH po osnovu sporazuma o readmisiji“ sa Ministarstvom za rad, socijalnu politiku, raseljena lica i izbjeglice Kantona Sarajevo, Javnim ustanovom „Kantonalni centar za socijalni rad“, Kantonalom javnom ustanovom „Dom za djecu bez roditeljskog staranja Sarajevo“ i Fondacijom bosanskohercegovačka inicijativa žena (BHWI).

Ministarstvo za ljudska prava i izbjeglice BiH od 2017. godine osigurava budžetska sredstva za podršku općinama/gradovima/ustanovama uključenim u sistem prihvata i integracije državljana BiH koji se vraćaju u BiH po osnovu sprazuma o readmisiji te je do sada ovim lokalnim zajednicama doznačilo ukupno 531.000,00KM kroz budžete za 2017., 2019., 2020. i 2021. godini.

U proteklom periodu smo evidentirali potrebu daljnjeg jačanja uspostavljenog sistema prihvata i integracije državljana BiH koji se vraćju u BiH po osnovu sporazuma o readmisiji u dijelu prihvata i smještaja u ustanove za brigu o starim i iznemoglim osobama i adekvatan prihvata ovih lica koja su razvila ovisnost o psihoaktivnim supstancama. Navedene aktivnosti će se realizovati u narednom dvogodišnjem periodu.

Ministarstvo upravlja Izbjegličko-prihvatnim centrom "Salakovac" u Mostaru, koji služi za organizovani smještaj izbjeglica i stranaca pod supsidijarnom zaštitom, koja nisu u stanju da sama osiguraju smještaj kao i o Readmisionom centru Mostar u kojem se smještaju državljani BiH koji se vraćaju po osnovu sporazuma o readmisiji na period do 30 dana.

Ministarstvo je nadležno za utvrđivanje osnovnih načela koordiniranja aktivnosti, usklađivanja politika i planova organa vlasti BiH i Međunarodne zajednice u oblasti stambene politike, obnove i razvoja. Uz odgovarajuća zakonska rješenja za pristup pravima na stanovanje izbjeglica i raseljenih lica kao jedne od najširih kategorija BiH stanovništva u potrebi za trajnim rješenjima uključujući i stambeno zbrinjavanje neophodno je provoditi aktivnosti na stambenom zbrinjavanju stanovništva u nepovoljnoj socijalnoj situaciji.

Ministarstvo je donijelo Okvirne principe o načinu raspolaganja i korištenja stambenih jedinica namijenjenih za socijalno stanovanje u BiH. Okvirni principi za primarni cilj imaju nenamjensko raspolaganje i korištenje stambenih jedinica čija je izgradnja finansirana iz državnog budžeta, kreditnih i donatorskih sredstava. Imajući u vidu značajan broj projekata socijalnog stanovanja koji su do sada implementirani ili je implementacija u toku, regulativa vezana za ovaj novonastali javni stambeni fond je jedan od prioriteta za naredni period.

Ministarstvo koordinira provođenje projekta "Zatvaranje kolektivnih centara putem osiguranja javnih stambenih rješenja" L/D 1789 (2013), a implementaciju vrše resorna entitetska ministarstva i Odjeljenje Brčko Distrikta BiH.

Poglavlje 5: Resursi i kapaciteti potrebni za postizanje cilja

5.1 Predviđeni izvori finansiranja

Troškovi koji nastaju u toku realizacije srednjoročnog plana spadaju u sljedeće osnovne kategorije: bruto plate i naknade, naknade troškova uposlenih, izdaci za materijal i usluge, tekući grantovi (transferi) i kapitalna ulaganja.

U programskom budžetu, koji je u skladu sa srednjoročnim planom, realizaciji programa može da doprinosi jedan ili više organizacijskih dijelova institucije.

U skladu s ovim principom definisana je metoda za alokaciju troškova pojedinih organizacionih dijelova za realizaciju zajedničkih programa. Ovaj model se koristi i za alokaciju troškova zajedničkih poslova, koji predstavljaju vitalne dijelove institucije, ali nisu direktno usmjereni na realizaciju programa i projekata plana.

Organizacioni dijelovi Ministarstva za ljudska prava i izbjeglice koji dodaju vrijednost svim projektima, a samim tim i programima, su sljedeći: Kabinet ministra, Kabinet zamjenika ministra, Kabinet sekretara Ministarstva, Sektor za opšte, pravne i finansijsko materijalne poslove, Kabinet sekretara sa posebnim zadatkom, Ured agenta i Odjeljenje interne revizije.

Za realizaciju programa i pripadajućih projekata, a u cilju implementacije postavljenog srednjoročnog plana i specifičnih ciljeva definisanih Srednjoročnim planom rada Ministarstva za ljudska prava i izbjeglice za period 2024-2026. godine, planirano je ukupno 48.593.000 KM sredstava iz budžeta. Iz kreditnih sredstava planirano je 3.000.000 KM, dok je iz ostalih izvora finansiranja planirano pokriće troškova u iznosu od 26.191.140 KM.

5.2 Organizacioni kapaciteti

Ministarstvo za ljudska prava i izbjeglice planira sredstva za 117 zaposlenih, dok je prema Pravilniku o unutrašnjoj organizaciji Ministarstva za ljudska prava i izbjeglice BiH iz 2013. godine sistematizovano 140 radnih mjesta. U narednom periodu se očekuje prilagođavanje unutrašnje organizacione strukture u svrhu optimizacije procesa i zadataka.

U projektiranom periodu (2024. – 2026.) Ministarstvo će kontinuirano raditi na jačanju i razvoju kadrovskih kapaciteta kroz redovne obuke, u organizaciji Agencije za državnu službu, i/ili specijalizovane obuke.

Poglavlje 6: Okvir za praćenje provođenja plana i evaluacija rezultata

6.1 Definisane ključne pokazatelje

Srednjoročni cilj - Poboljšan sistem zaštite ljudskih prava i razvoj odnosa institucija Bosne i Hercegovine sa iseljeništvom

Pokazatelji uspjeha:

1. Step implementacije važećih zakona i politika Bosne i Hercegovine o zaštiti ljudskih prava i politika koje se odnose ili uključuju iseljeništvu

Pokazatelji rezultata za specifični cilj:

- 1.1 Obezbeđeni mehanizmi za zaštitu ljudskih prava BH građana, lica pod međunarodnom pravnom zaštitom ravnopravnosti spolova u BiH i koordinacije za ostvarivanje prava iseljenika i njihovo uključivanje u razvojne i druge procese u BiH

6.2 Metode za prikupljanje informacija o pokazateljima

Ministarstvo za ljudska prava i izbjeglice informacije o pokazateljima rezultata i pokazateljima uspjeha prikuplja iz svih dostupnih izvora koji su na raspolaganju. Prikupljanje podataka će se provoditi kontinuirano.

6.3 Osnovni zaključci prethodnog Izvještaja o provođenju plana rada

Ministarstvo je napravilo značajne korake u realizaciji Srednjoročnog cilja, čime je poboljšan sistem zaštite ljudskih prava i razvoj odnosa BiH sa iseljeništvom kroz realizaciju svojih programskih aktivnosti. Također, intenzivirane su projektne i programske aktivnosti na realizaciji Revidirane strategije za realizaciju Aneksa VII Općeg okvirnog sporazuma za mir što sve skupa utiče na realizaciju strateškog cilja **Transparentan, efikasan i odgovoran javni sektor**.

Poglavlje 7: Prilozi

Prilog 1: Akcioni plan Srednjoročnog plana rada Ministarstva za ljudska prava i izbjeglice BiH

Prilog 2: Pregled zakona, drugih propisa i razvojno-investicijskih projekata/programa predviđenih Srednjoročnim planom rada Ministarstva za ljudska prava i izbjeglice BiH.

AKCIONI PLAN SREDNJOROČNOG PLANA RADA - MINISTARSTVO ZA Ljudska prava IZBJEGLICE BOSNE I HERCEGOVINE, za period 2024-2026																				
Prioritet: OJAČATI VLADAVINU PRAVA, SIGURNOST I OSNOVNA PRAVA																				
Strateški cilj: TRANSPARENTAN, EFIKASAN I ODGOVORAN JAVNI SEKTOR																				
1	2	3	4	5	6	7	8	9	10	11	12	13	14	15	16	17	18	19	20	21
Srednjoročni cilj	Specifični ciljevi	Programi	Projekt	Institucija odgovorna za implementaciju	Pokazatelj	Jedinica mjerenja (% ili opisano)	Okvir za mjerenje ostvarenja				Procjena troškova							Izvori finansiranja		
							Polazna vrijednost godina 2023	Ciljana vrijednost godina 2024	Ciljana vrijednost godina 2025	Ciljana vrijednost godina 2026	Procijenjeni troškovi godina 2024	Procijenjeni troškovi godina 2025	Procijenjeni troškovi godina 2026	Ukupno troškovi	Budžet	Krediti	Donacije	Ostali izvori	Ukupno	Program u DOB-u
					Stepen implementacije vazećih zakona i Politika Bosne i Hercegovine o zaštiti ljudskih prava i politika koje se odnose ili uključuju iseljenstvo	%	85%	85%	86%	87%	16,777,000	15,910,000	15,906,000	77,784,140	48,593,000	3,000,000	0	26,191,140	77,784,140	001010; 2201010
	Specifični cilj 1.1				Obavješteni obitelji i članovi porodice zaštitu ljudskih prava BiH građana, lica pod međunarodnom zaštitom, zaštita ravnopravnosti spolova u BiH i koordinacije za podršku i pravnu pomoć iseljenika i uključivanje u razvojne i druge procese u BiH	%	86%	85%	87%	87%	16,777,000	15,910,000	15,906,000	77,784,140	48,593,000	3,000,000	0	26,191,140	77,784,140	001010; 2201010
					Postotak realizacije godišnjeg plana izrade politika, zakonskih i podzakonskih akata kojima se reguliše zaštita ljudskih prava i sloboda u BiH, osvajanje ravnopravnosti spolova i zaštita od diskriminacije u skladu sa politika sa iseljenštvom i saradnje sa iseljenštvom	%	84%	84%	85%	86%	4,823,000	4,869,000	4,865,000	14,557,000	14,557,000				14,557,000	030210; 03030
			Projekt 1.1.1.1																	

Srednjoročni cilj	Specifični ciljevi	Programi	Projekt	Institucija odgovorna za implementaciju	Pokazatelj	Jedinica mjere (%) (ili opisan ovisno o)	Polazna vrijednost godina 2023	Ciljana vrijednost godina 2024	Ciljana vrijednost godina 2025	Ciljana vrijednost godina 2026	Procijenjeni troškovi godina 2024	Procijenjeni troškovi godina 2025	Procijenjeni troškovi godina 2026	Ukupno troškovi	Budžet	Krediti	Donacije	Ostali izvori	Ukupno	Program u DOB-u
			Ostvarenja prava osoba pod međunarodnom zaštitom, raseljenih i regrutiranih osoba		Broj obnovljenih stambenih jedinica	Broj	0	100	100	50	11,041,000	11,041,000	11,041,000	34,036,000	34,036,000				34,036,000	1030110; 1030310
		Realizacija prava iz Aneksa VII Dejtonskog mirovnog sporazuma, pristup pravima lica pod međunarodnom zaštitom u BiH i regrutiranih osoba	IBH-MLJP-1 Zaštita kolektivnih smještaja i alternativnih smještaja putem osiguranja stambenih jedinica-CEB II		Broj ostvarenih prava regrutiranih osoba	Broj	350	300	300	300								26,191,140	26,191,140	1030110; 1030310
			IBH-MLJP-2 Projekat rekonstrukcije stambenog fonda iz Sarajeva u okviru projekta od Saudijskog fonda za međunarodni razvoj (IZ REDITA (IFDITA (SPD)		Broj obnovljenih stambenih jedinica	Broj	36	139	0	0				3,000,000		3,000,000			3,000,000	1030110; 1030310

**PREGLED ZAKONA, DRUGIH PROPIISA I RAZVOJNO-INVESTICIONIH PROJEKATA/PROGRAMA PREDVIĐENIH SREDNJOROČNIM PROGRAMOM RADA VIJEĆA MINISTARA
ZA PERIOD 2024-2026.GODINE - Ministarstvo za ljudska prava i izbjeglice Bosne i Hercegovine**

OJAČATI VLADAVINU PRAVA, SIGURNOST I OSNOVNA PRAVA TRANSPARENTAN, EFIKASAN I ODGOVORAN JAVNI SEKTOR									
1	2	3	4	5	6	7	8		
Strateški cilj:	Programi	ZAKONI	PODZAKONSKI AKTI	Usklađivanje s pravnim naslijeđem EU-a (DA ili NE)	Planirani period za DONOŠENJE	NAZIV PROJEKTA JAVNIH INVESTICIJA	Očekivani PERIOD REALIZACIJE		
Srednjoročni cilj	Program 1. Zaštita i promocija ljudskih prava , ravnopravno st spolova i saradnja sa iseljeništvom	Zakon o izmjenama i dopunama Zakona o zabrani diskriminacije u BiH		DA	2024				
		Zakon o saradnji sa iseljeništvom		NE	2024-2026				
			Odluka o kriterijima za dodjelu grant sredstava	NE	2024., 2025. i 2026.				
			Odluka o dodjeli grant sredstava	NE	2024., 2025. i 2026.				
			Odluka o usvajanju Akcionog plana za ravnopravnost LGBTI osoba 2025-2028	NE	2025				
			Odluka o dodjeli priznanja iseljenicima i organizacijama iseljenika iz BiH	NE	2025				
		Program 2. Realizacija prava iz Aneksa VII DMS, pristup pravima lica pod međunarodnom zaštitom u BiH i readmisija		Izrada novog Uputstva o načinu privremenog zbrinjavanja državljana BiH po osnovu Sporazuma o readmisiji.		NE	2024	IBIH-MLJPI-1 Zatvaranje kolektivnih smještaja i alternativnih smještaja putem osiguranja javnih stambenih rješenja-CEB II	2024
				Izrada i priprema Odluke o preraspodjeli sredstava iz budžeta MLJPI-a u budžet Fonda za povratak BiH		NE	2024-2026	IBIH-MLJPI-2 Projekat rekonstrukcije stambenog fonda iz sredstava zajma od Saudijskog fonda za međunarodni razvoj (IZ KREDITA SFD)	2024
						NE	2024		
						NE	2024		